

Broj: 01-11-12-1998-13/24
Sarajevo, 05.11.2024. godine

Na temelju člana 70. Zakona o javnim nabavkama („Službeni glasnik BiH”, br. 39/14, 59/22 i 50/24), Plana nabavki Federalne uprave za geodetske i imovinsko-pravne poslove, broj: 01-11-12-399-2/24 od 23.09.2024. godine, Odluke o pokretanju postupka konkurentskog zahtjeva za dostavu ponuda za javnu nabavku roba - „Kancelarijski materijal, sitni inventar i čistovni pribor“, broj: 01-11-12-1998/2024 od 07.10.2024. godine, te preporuke Komisije za javnu nabavku, date u Zapisniku o ocjeni ponuda, broj: 01-11-12-1998-12/24 od 29.10.2024. godine, direktor Federalne uprave za geodetske i imovinsko-pravne poslove d o n o s i

O D L U K U

o izboru najpovoljnijeg ponuđača za javnu nabavku roba – „Kancelarijski materijal, sitni inventar i čistovni pribor“

I

Prihvata se preporuka Komisije za provođenje konkurentskog zahteva za dostavu ponuda za javnu nabavku roba - „Kancelarijski materijal, sitni inventar i čistovni pribor“, data u Zapisniku o ocjeni ponuda, broj: 01-11-12-1998-12/24 od 29.10.2024. godine, da se za najpovoljniju ponudu nakon postupka E-aukcije prihvati ponuda ponuđača AERO EXCLUSIVE d.o.o. Sarajevo.

II

Ponuđaču AERO EXCLUSIVE d.o.o. Sarajevo, u skladu sa Ponudom, broj: JN-16-10/2024 od 16.10.2024. godine, i konačnom cijenom ponude nakon E-aukcije u iznosu od 21.900,00 KM bez PDV-a, odnosno u ukupnom iznosu od 25.623,00 KM sa PDV-om, nakon pravosnažnosti ove Odluke dostavit će se prijedlog okvirnog sporazuma za javnu nabavku roba - „Kancelarijski materijal, sitni inventar i čistovni pribor“.

III

Poziva se izabrani ponuđač AERO EXCLUSIVE d.o.o. Sarajevo da u roku od 5 (pet) dana od dana prijema ove Odluke dostavi sve kvalifikacijske dokaze propisane tačkom 3.1.4. tenderske dokumentacije, a u vezi lične sposobnosti ponuđača iz člana 45. Zakona o javnim nabavkama.

IV

Odluka o izboru najpovoljnijeg ponuđača dostavit će se svim učesnicima u predmetnom postupku javne nabavke roba u roku od tri (3) dana, a najkasnije u roku od sedam (7) dana od dana donošenja, preporučenom poštom ili neposredno.

V

Ova Odluka stupa na snagu danom donošenja.

O b r a z l o Ź e n j e

Na temelju Zakona o javnim nabavkama („Službeni glasnik BiH”, br. 39/14, 59/22 i 50/24) i Plana nabavki za 2024. godinu, broj: 01-11-12-399-2/24 od 23.09.2024. godine, Federalna uprava za geodetske i imovinsko-pravne poslove (u daljem tekstu: ugovorni organ) je Odlukom o nabavci, broj: 01-11-12-1998/2024 od 07.10.2024. godine, pokrenula postupak konkurentskog zahtjeva za dostavu ponuda za javnu nabavku roba - „Kancelarijski materijal, sitni inventar i čistovni pribor“, za koji je na web Portalu Agencije za javne nabavke BiH objavila tendersku dokumentaciju i Obavještenje o nabavci, broj: 399-7-1-33-3-56/24 od 07.10.2024. godine.

Postupak je provela Komisija za javnu nabavku (u daljem tekstu: Komisija) imenovana Rješenjem direktora Federalne uprave za geodetske i imovinsko-pravne poslove, broj: 01-11-12-1998-1/24 od 07.10.2024. godine, koja je o istom sačinila Zapisnik o zaprimanju ponuda, broj: 01-11-12-1998-4/24 od 22.10.2024. godine, Zapisnik o otvaranju ponuda, broj: 01-11-12-1998-5/24 od 22.10.2024. godine i Zapisnik o ocjeni ponuda, broj: 01-11-12-1998-12/24 od 29.10.2024. godine.

U skladu sa tenderskom dokumentacijom i obavještenjem o nabavci sa web Portala Agencije za javne nabavke BiH, dana 22.10.2024. godine u 10:30h, na adresi ovog ugovornog organa, bez prisustva predstavnika ponuđača, izvršeno je javno otvaranje blagovremeno dostavljenih ponuda, i to (po redoslijedu zaprimanja):

1. DEFTER d.o.o. Sarajevo,
2. EUROLL d.o.o. Čitluk,
3. CROBOX d.o.o. Sarajevo,
4. AERO EXCLUSIVE d.o.o. Sarajevo,
5. FRANEX-TRADE d.o.o. Sarajevo i
6. INTER-COM d.o.o. Zenica.

Po predmetnom nadmetanju, Komisija je ustanovila da je do roka utvrđenog tenderskom dokumentacijom i obavještenjem o nabavci dostavljeno ukupno šest (6) ponuda za predmetnu nabavku roba, i to ponude naprijed navedenih ponuđača.

Na samom početku uvida, odnosno evaluacije blagovremeno zaprimljenih ponuda, a u kontekstu procijenjene vrijednosti nabavke, ustanovljeno je da su cijene svih ponuda u iznosu koji je niži od procijenjene vrijednosti nabavke ove vrste roba.

Detaljnim pregledom i analizom svake od ponuda pojedinačno, Komisija je utvrdila da su sve ponude dostavljene na način kako je propisano tenderskom dokumentacijom, da su ispunile sve formalno-pravne uslove predviđene tenderskom dokumentacijom, zatim da je uz ponude dostavljena sva obligatorna dokumentacija prema uslovima tenderske dokumentacije, da je svih šest ponuđača kvalifikovano za isporuku predmetnih roba, te da ponude nisu sadržavale bilo kakve formalno-pravne nedostake koji bi eventualno bili razlog za odbacivanje istih.

Tačkom 2.6. tenderske dokumentacije ovaj ugovorni organ je propisao održavanje postupka E-aukcije putem sistema E-nabavke, te je ista održana dana 25.10.2024. godine sa početkom u 09:30h, i u zakazanom trajanju od 30 minuta, gdje su kao učesnici bili prijavljeni svi ranije navedeni ponuđači koji su blagovremeno dostavili svoje ponude.

Tokom postupka E-aukcije, svih šest ponuđača je aktivno podnosilo nove, snižene ponude u odnosu na svoje početne ponude, te je po okončanju postupka E-aukcije, konstatovano da je najnižu cijenu podnio ponuđač AERO EXCLUSIVE d.o.o. Sarajevo, sa konačnom cijenom ponude u iznosu od 21.900,00 KM bez PDV-a, koja ponuda je u sistemu E-nabavke, te u Izvještaju o toku i završetku E-aukcije od 25.10.2024. godine (a koji je dat kao prilog uz ovu Odluku), konstatovana kao prvorangirana, odnosno kao ponuda sa najnižom konačnom cijenom.

Uzimajući u obzir naprijed utvrđene činjenice i okolnosti, kao i kriterij prihvatljive ponude sa najnižom cijenom kao uslova za dodjelu okvirnog sporazuma, kako je to propisano tačkom 2.5.5. tenderske dokumentacije, Komisija je na kraju ocijenila da je ponuda ponuđača AERO EXCLUSIVE d.o.o. Sarajevo formalno-pravno, kao i u tehničko-profesionalnom smislu prihvatljiva, te da ispunjava kvalifikacione uslove tražene tenderskom dokumentacijom, pa je stoga direktoru Federalne uprave za geodetske i imovinsko-pravne poslove jednoglasno predložila donošenje odluke o izboru ove ponude kao najpovoljnije za javnu nabavku roba - „Kancelarijski materijal, sitni inventar i čistovni pribor“.

U postupku donošenja ove Odluke, prihvata se preporuka i obrazloženje Komisije, dato u Zapisniku o ocjeni ponuda broj01-11-12-1998-12/24 od 29.10.2024. godine, da se za najuspješniju ponudu u postupku konkurentskog zahtjeva za dostavu ponuda za javnu nabavku roba – „Kancelarijski materijal, sitni inventar i čistovni pribor“ prihvati ponuda ponuđača AERO EXCLUSIVE d.o.o. Sarajevo, a koja ponuda je ocijenjena kao prihvatljiva, a u formalno-pravnom i tehničko-profesionalnom smislu kvalifikovana i najpovoljnija, sa konačnom cijenom ponude nakon postupka E-akcije u iznosu od 21.900,00 KM bez PDV-a, odnosno u ukupnom iznosu od 25.623,00 KM sa PDV-om.

U analizi provedenog postupka, ugovorni organ nije našao razloge nepravilnosti, niti propuste u radu, koji bi eventualno bili osnov za neprihvatanje preporuke Komisije.

Na prijedlog Komisije, ovaj ugovorni organ je odlučio kao u dispozitivu ove Odluke.

Pouka o pravnom lijeku: U skladu sa odredbama člana 101. stav (5) Zakona o javnim nabavkama, protiv ove Odluke može se uložiti žalba u roku od pet (5) dana od dana zaprimanja iste. Žalba se podnosi Uredu za razmatranje žalbi putem ugovornog organa u pisanoj formi direktno ili preporučenom poštanskom pošiljkom. Žalba se predaje neposredno ugovornom organu ili putem preporučene poštanske pošiljke, u dovoljnom broju primjeraka, a koji ne može biti manji od tri (3).



Prilog: Zapisnik o ocjeni ponuda

DOSTAVITI:

1. AERO EXCLUSIVE d.o.o. Sarajevo;
2. DEFTER d.o.o. Sarajevo;
3. EUROLL d.o.o. Čitluk;
4. CROBOX d.o.o. Sarajevo;
5. FRANEX-TRADE d.o.o. Sarajevo;
6. INTER-COM d.o.o. Zenica;
7. Sektor za imovinsko-pravne poslove i opće poslove - o v d j e;
8. U spis.